

## *SAOPĆENJE ZA JAVNOST*

SARAJEVO, 1. decembar/prosinac 2008. - Pres-konferencijom održanom na otvorenom u blizini Zemaljskog muzeja u Sarajevu, ispred bilborda i olupine vozila koje je uništeno u saobraćajnoj nesreći, zvanično je otvorena kampanja "PAZI KAKO VOZIŠ".

Ovu kampanju, koja ima za cilj smanjenje smrtnosti na bh. cestama, pokrenulo je Federalno ministarstvo unutrašnjih poslova u saradnji s ostalim kantonalnim ministarstvima unutrašnjih poslova.

"Zato smo danas i ovdje gdje pokrećemo kampanju 'PAZI KAKO VOZIŠ'. 'PAZI KAKO VOZIŠ' moći ćete pročitati na ovim bilbordima, na televizijama ćete vidjeti spot, a na radiju čuti istu ovu poruku. Svi mi, mislim na cijelu policiju Federacije, provodit ćemo pojedine aktivnosti kako bi smo naše građane, a posebno mlade ljude upozorili da oni upravljaju vozilom, svojim rukama drže volan i mijenjaju brzinu, svojim nogama dodaju brzinu ili kočice - zato su oni, 'vozači', jedan od glavnih razloga što dolazi do saobraćajnih nezgoda i što stradaju ljudi", istakao je Muhidin Alić, ministar Federalnog MUP-a, tokom današnjeg obraćanja medijima i ostalima prisutnim.

U naredna dva mjeseca, tačnije do 1. februara 2009. godine, bit će održan niz pres-konferencija u kantonalnim ministarstvima i ostalih promotivnih aktivnosti koje će na najbolji način promovisati ovu kampanju.

U ovoj kampanji širom BiH na 60 bilborda bit će postavljene poruke iz kampanje, dok će ispod 32 bilborda biti montirana i havarisana vozila.

Bosna i Hercegovina  
*Federacija Bosne i Hercegovine*  
**FEDERALNO MINISTARSTVO UNUTRAŠNJIH POSLOVA**  
**FEDERALNO MINISTARSTVO UNUTARNJIH POSLOVA**  
S A R A J E V O

*Bosnia and Herzegovina*  
*Federation of Bosnia and Herzegovina*  
**FEDERATION MINISTRY OF INTERNAL AFFAIRS**  
S A R A J E V O

Ministar je pozvao predstavnike medija da budu aktivni učesnici ove kampanje i poručio svim građanima, posebno mladim vozačima, da treba da paze kako voze, jer će tako spasiti i vlastiti ali i život pješaka te onih koji voze sa druge strane.